



Universitätsbibliothek Paderborn

Synopsis Magnalium Divi Josephi

Ignatius < a Sancto Francisco >

Leodii, 1684

Cap. 9. Communißima sententia de D. Iosephi Paternitate respectu Christi
Domini.

urn:nbn:de:hbz:466:1-38500

C A P U T I X.

*Communissima Sententia de D.
Josephi Paternitate respectu
Christi Domini.*

I. **S**ENTENTIA his temporibus ab omnibus recepta, est Divum Josephum ea propter esse in re, & dici in Evangelio Patrem Christi, quia Christus fuit fructus conjugii ejus cum Beatissimâ Deiparâ, utpote non tantum conceptus & natus ex uxore suâ, sed etiam existente vero & rato inter utrumque matrimonio, Deo has eorum virginales nuptias, & citra ullam eorum conjunctionem maritalem, fructu matrimoni ad cumulatissimam felicitatem benedicente, & eorum virginalcm in conjugio continentiam in omnibus retro seculis inauditam divinissimâ hâc ratione remunerante.

II. Itaque tria omnino supponit hæc gravissima sententia: Primum, quod verum inter D. Josephum Beatisimamque Deiparam intercesserit matrimonium: Secundum, quod Christus non ante illud, sed illo jam existente, in Mariâ Virgine & intactâ conceptus sit Spiritu sancto suâ ei virtute obumbrante. Tertium, quod cùm per matrimonium istud essent uterque facti indivisibiliter una caro, in Christi conceptione hæc unitas non fuerit divisa, sed permanescit Maria semper & Deo intemerata, & viro semper in fide conjugaliter conjuncta: Caro enim conjugilater unita non dividitur aut scinditur nisi per adulterium.

III. Ex quibus per se claris atque à nobis Tract. precedenti sufficienter probatis, omnino consecutarium est, quod licet Divus Josephus non concurrevit officialiter ad Christi generationem, attamen cum talis generatio facta sit in ejus conjuge, sic, ut præsumptum est, sibi conjugaliter unita, seu potius & melius, cum ipso caro una, fructus utriusque jure adscribendus sit: atque adeo consecutarium est, ut ipse non fuerit expers ne per aliquem specialissimum modum innominabilem (utpote

singularem & sine exemplo) esset Pater Christi Domini; idque multò strictius ac felicior quam si fuisset ullo ex quatuor posterioribus modis hic supra cap. 2. num. 4. 5. 6. 7. 8. & 9. enumeratis.

Probatur hæc sententia primò, ex Scripturâ Matthæi cap. 1. Jacob autem genuit Joseph virum Marie, de qua natus est IESVS, qui vocatur Christus, per quod innuit facer Evangelista ideo D. Josephum tenere locū Patri in Genealogiâ Salvatoris, & per D. Iosephum Christi ex Abraham & Davide carnalem descensum deducit, quia Joseph fuit vir Marie de quâ natus est IESVS, qui vocatur Christus.

Probatur secundò, à priori hac ratione Theologicâ, quia per matrimonii vinculum vir fit Dominus corporis suæ uxoris, & è contra, ita ut docente Apostolo 1. Corinth. cap. 7. vers. 4. *Mulier corporis sui potestatem non habet sed vir, & vicissim. Quin immo vir & uxor ex sententiâ Christi Domini Matth. c. 19. v. 6. Iam non sunt duo, sed una caro,* idque maximè in ordine ad prolem, sicut ambo in ordine ad eandem sunt una causa totalis: Unde patet quod fructus qui stante Divi Iosephi cum Divâ Deiparâ conjugio conceptus est & natus ex Virginis corpore, non tantum sit Virginis, sed etiam Divi Iosephi, utpote cuius erat corpus Virginis jure matrimonii: unde eleganter ad rem & efficaciter Rupertus Abbas de Glor. & Honor. filii hominis lib. 1. in Matth. cap. 1. *Magnum & verum nomen Beato Iosepho Evangelista attribuit, quia si est vir Marie, est & Pater Domini, & longè ante ipsum Divus Justinus Martyr cognomento Philosophus quæst. 133. ad Gentiles. Quod enim ex feminâ aliquâ sine stupro nascitur, id necessariò est filius viri & feminæ, quo pacto vult Deus dare filios viro, aut per conjunctionem, aut circa conjunctionem.*

Confirmatur & probatur tertio, hæc sententia ex dispositione juris tit. de rerum divil. §. Cum in suo solo, ubi sic decernitur: *Quod in alieno solo seritur aut edificatur, sub illius dominum cadit enus est solum. Et quod in agro meo nascitur, meum est:* Cùm ergo hortus ille conclusus

Tt

IV.

V.

VI.

330 Synopsis Magnalium D. Josephi,

conclusus Cantic. c. 4. vers. 12. Corpus dico superbenedicta Matri Dei, jure matrimonii esset Divi Iosephi, quando concepit Christum, nec ullo modo per istam conceptionem ab eo divisum fuerit, ut constat (separatur enim tantum per actum illicitum, qui non est inventus in Virgine) fructus etiam illius dulcissimus Iesus D. Josephi fuit.

VII.

Quamvis haec res per se clarissima sit, objiciunt tamen sic aliqui, licet hic fructus scilicet Christus Dominus, conceptus sit & natus ex Mariâ D. Iosephi conjugi, & in ipsius conjugio, non tamen naturaliter, sed supernaturaliter, ideo virtute Spiritus sancti, qui illum in Virgine de Virgine efformavit, est de fide: non ergo potest Divo Iosepho hic fructus attribui, aut ullum jus in illum ei competere, sed omnino totus est Spiritus sancti: Respondeo negando consequentiam: proles enim quae in legitimo conjugio nascitur, conjugum est, quomodo cumque nascatur, sicut seges nata in agro meo sterili, arbor, fons, flos, miraculosè ortus in horto meo meus est: quare si cut Christus verè Beatae Virginis est filius, etiam si ex eâ miraculosè sit conceptus & genitus, sic & idem jure conjugi est Divi Iosephi filius, etiam si ex conjugio non naturaliter sed miraculosè sit genitus.

VIII.

Addo longè potiori jure Christum pertinere ad Divum Iosephum quam seges illa, arbor illa, fons vel flos ille miraculosè in horto vel agro ortus pertineret ad Dominum agri vel horti: tum quia ager & hortus ille tantum de jure humano pertinent ad Dominum, seu illum, cuius dicuntur ager vel hortus, corpus autem Divæ Deipara ad Divum pertinet Iosephum de jure divino, idque dupliciti titulo: Primo, generali & ipse cum ceteris conjugatis communi, scilicet ex institutione matrimonii, qua divina est, & à primâ rerum constitutione, per quod conjuges sunt una caro in ordine ad ptolem: Secundo, speciali; quia fuit à Deo specialissimè, & ex singulari privilegio & dispensatione D. Josepho Beatissima Deipara tradita, & ipse ad illius conjugium electus & elevatus, ut

per hoc fieret Pater illius divinissimæ Prolis, quæ ex eâ nascitura erat.

Fateor hanc sententiam valde favere Divo Josepho, locupletissimè innuerre quam magna sit ejus paternitas, quam sit stricta conjunctio & affinitas quam habet ex eâ cum Christo, mirificeque per illam illustrari, atque apparet illam supra modum eminere ceteris paternitatibus, quæ non sunt per generationem.

Verumtamen hoc neendum mihi plenè satisfacit, neque enim omnino evacuat id totum quod est in istâ D. Iosephi paternitate, & in quo verè ac formallissimè consistit hec singularis & admirabilis paternitas, quæ nullam unquam similem habuit, aut habituera est: quod antequam proferam, prius praefruendum quomodo ad illam paternitatem sit à Deo electus: an scilicet directè & in se immediatè: an vero indirectè tantum & mediatae ac in alio: ex hoc quippe omnino penderet id totum quod de eâ singulariter dictum sumus.

C A P U T X.

Quomodo Divus Iosephus electus sit ad Christi Paternitatem.

NOTANDUM duplicem esse electionem seu volitionem alicujus rei: una est directa, alia indirecta: Directa, est illa quâ aliquid in se actu positivo ad ipsum immediatè terminato volumus: indirecta, quâ tantum mediatae & in alio cum quo habet connexionem, quodque ex illo videmus secuturum.

Igitur propositæ questionis hic est sensus: an scilicet actu positivo & voluntate expressâ, & directâ, ac ad Divum Iosephum in se terminatâ dixerit Deus, volo Iosephum esse filii mei Patrem? an vero sic, volo Iosephum esse Matris filii mei Sponsum & conjugem, ex quo videbat consecutaneum ut esset Filii sui Pater, quod est indirecte, mediatae, & in alio tantum voluisse ut esset Pater filii sui.

Authores